

# 月令雜事詩卷一

魯灘王質生蔭齋著

江寧管之樞運衡

校訂

桐城吳北江先生鑒定

東莞張江裁次溪

韶蕩韶光轉瞬過小詩只合細吟哦藏春塢與爭春館都是一場春夢婆春緒

三輔黃圖韶蕩宮春時景物韶蕩滿宮中也長繡刁約作藏春塢日游其中揚州事迹揚州太守園中有

杏花數十畝每至爛開張大宴一株令一倡倚其旁立館曰爭春侯館錄東坡在昌化負大瓢行歌田間

老嫖續謂曰內翰書日富貴一場春夢東坡然之里人因呼爲春夢婆

東風解凍氣溫柔律轉青陽月屬陬且趁采芸好時節春光九十數從頭孟春月

禮記月令孟春之月東風解凍京房占曰其氣溫柔爾雅曰春爲青陽又正月爲陬夏小正是月采芸

千家爆竹盡春聲柏酒欣將首祚迎事事但求得如願鞭人誓不學歐明正月朔日

荆楚歲時記山魃犯人則病獨惡爆竹之聲漢官儀以柏葉酒上壽王羲之月儀書日往月來元正首祚

搜神記有商人歐明過青草湖湖神邀歸問所欲旁有人私語曰君但求如願不必餘物明依其語湖君

許之及出乃呼如願是一少婢也至家數年遂大富後歲旦如願起宴明鞭之續人叢帝中明家漸貧故

今歲旦叢帝不出戶

賜橘秦宮謹拜嘉樓高丹鳳迓官家侍筵安得娉婷妓既譜新詞又送茶二日

月令雜事詩

春季

正月

二

太平御覽正月二日秦阿房宮賜羣臣橋唐書永貞二年正月二日上御丹鳳樓赦天下歲華紀麗譜二月二日太守由東郊早宴移忠寺晚宴大慈寺宴罷妓以新詞送秦自宋公祁始

如眉新樣月初三太白星明現斗南箕買四枚懸四壁能收萬倍卜田蠶三日

道書正月初三日太白星現五行書正月初三日買箕四枚懸四壁田蠶萬倍

節號開基宋代留眞龍得位屬金猴長公試筆騾馱驛却趁今朝離泗州四日

宋史禮志正月四日有太祖神御之州府宮殿行香爲開基節雲谷雜記太祖潛耀日與一道士遊於闕河每劇飲爛醉道士善歌能引其喉於杳冥之間作清微之聲或聞一二句曰金猴虎頭四眞龍得其位詰之則曰醉夢豈足憑耶至膺圖受禪之日乃是庚申正月初四日也長公外記宋元豐七年時東坡年五十是日騾馱驛試筆云正月四日離泗州

記得淵明舊事傳同游相約在斜川馬蹄鬆蹟留山上何許陳家三女仙五日

淵明集辛丑正月五日天氣澄和風物閑美相約與二三鄰曲同游斜川楚通志何許陳三女相約入山修真大中元年正月初五日雷雨作仙樂隱隱雲霧中遙見三女忽不知其所在馬蹄鬆蹟留山上白花巖佛悟空空水磴臨觀慨聖衷閒向開元考遺事因誰修建望春宮六日

佛書江州武平南安白花巖定光佛正月初六日生宋史禮志太平興國九年正月六日幸景龍門外水樓帝臨水而坐召從臣觀之唐會要開元二十六年正月六日修望春宮

名士無慚薛道衡梅粧五色太輕盈當時魏帝雲龍宴可似荆襄七種羹七日

隋唐佳話薛道衡聘陳爲人日詩云入春纔七日離家已二年南人嗤之曰誰謂此能作詩及云人歸落

雁後思發在花前乃喜曰名下固無虛士雜五行書宋武帝壽陽公主八日臥含章殿簷下梅花落公主額上成五色花拂之不去經三日洗之乃落宮女效之今梅花粧是也北齊書崔瞻傳顯宗命瞻使鄴魏孝靜帝以八日登雲龍門其父懷侍宴又勸瞻近御座有應詔詩上問邢劭等曰此詩何如其父咸云棧博雅宏麗瞻氣調清新並詩人之冠宴罷共嗟賞之云今日之宴併爲崔瞻父子荆楚歲時記正月七日以七種菜爲羹

### 宴開聞喜曲江頭節號長寧獻鶴籌漫說燕都燈市好蜀人正作踏青游八日

事物紀原正月初八日新進士呂蒙正等宴開寶寺賜御詩以寵之敕下之日蠶錢於曲江爲聞喜之宴宋史禮志仁宗以正月八日爲皇太后長寧節上壽儀太后垂簾崇政殿宰臣以下進奉上壽燕郡游覽記燈市在東華門崇文街西互二里許自正月初八日起至十八日而罷月令廣義鉤俗正月初八日踏青游冶

### 祖別特來長樂坡知章回首悵驪歌分明玉帝逢生日太素三元朝若何九日

玉海開元二十九年正月九日元宗遣左右相已下祖別賀知章於長樂坡各賦詩贈之蠡海集玉帝生於正月初九日者陽數始於一而極於九原始要終也雲笈七籤正月初九日朝太素三元君

### 一燈價可值千金門近東安試走尋頗義太平新進士綠袍靴笏荷恩深十日

宛署記燕都正月十日至十六日止結燈者各持所有貨於天安門外燈名不一其價有一燈千金者文獻通考太平興國二年正月十日宋太宗賜新及第進士胡旦以下綠袍靴笏

### 新年餘慶節長春孟昶桃符識有神不信一巷風雪裏竭來啓鎖仗全真十一日